

# JESTAUN NO PREVENSAUN BA KONFLITU IHA TIMOR-LESTE



Fundasaun Ázia nia programa jestaun no preven-saun ba konflitu buka atu hamenus efeitu violénsia nian ba dezvoltimentu no ajuda prevene konfli-tu violentu iha futuru. Eventu sira iha tinan 2006 hatudu katak akontesimentu violénsia nian bele dezestabiliza dezvoltimentu ekonómiku no demokrátiku no atraza progresu. Hodi hatan ba eventu sira ne'e, Fundasaun Ázia lida ho krize ne'e liuhosi identifika ligasaun entre vulnerabili-dade kriticala governasaun nian sira direktamente ho kauza fundamentál no faktór sira ne'ebé mak hamosu violénsia. Fundasaun fasilita daudaun konsulta ho líder Timór nian sira hodi formula rekomendasaun prátika kona-ba reforma gover-nasaun nian ba polítika-nain sira ne'ebé sei ajuda hamenus poténsial ba konflitu violentu iha kurtu no médiu-prazu. Inisiativa seluk ajuda prevene violénsia liuhosi promove konfiansa no kom-preensan maka'as liu entre timoroan hosi Timór-Leste no Timór Indonézia iha comunidade sira iha fronteira liuhosi explora asuntu ekonómiku, komérsiu, seguransa no asuntu sosial seluk ne'ebé mak sai nu'udar preokupasaun mutua, no habesik polítika-nain sira hodi hamosu reforma ne'ebé sei benefisia no estabiliza comunidade sira ne'e. Fundasaun servisu mós ho juventude nia organi-zasaun arte marsial sira atu prevene konflitu liuhosi hametin abilidade mediasaun no lideransa nian. Fundasaun nia programa hala'o ho koop-eransaun hamutuk ho organizaun Timór sira ne'ebé mak iha kometimentu atu prevene konflitu violentu no sira nia efeitu dezestabilizadór ba dezvoltimentu.

## GOVERNASAUN NO VULNERABILIDADE BA KONFLITU

Nu'udar resposta ba akontesimentu violénsia fulan Abril no Maiu 2006 nian, no krize governa-


mentál no sosial subsekuente, Fundasaun Ázia hala'o servisu hodi hasoru tensaun ne'ebé hamosu violénsia resente ida ne'e, no ne'ebé iha poténsial atu provoca violénsia barak liután.

Fundasaun Ázia tulun série semináriu ne'ebé mak Timor Institute of Development Studies (TIDS) organiza ho objetivu atu reforma vulnerabilidade governasaun nian sira ne'ebé krusial atu prevene violénsia dezestabilizadora barak liután iha kurtu no médiu-prazu. Semináriu sira ne'e halibur líder Timoroan sira hosi governu, sociedade sivil, sirkulu akadémiku no comunidade lokal sira hodi iden-tifika kauza sira ne'ebé hamosu violénsia resente no sira nia ligasaun ba frakeza subjacente iha gover-nasaun. Resultadu sira, katak lista ho rekomen-dasaun ne'ebé bele implementa, apresenta tiha ba Primeiru Ministru, Presidente no mós ba líder governamental seluseluk hodi tulun sira nia esfor-su atu prioriza reforma ba governasaun ne'ebé importante no tenke implementa hodi evita aumen-tu ba tensaun no violénsia barak liután iha periodu haleu eleisaun presidensial no parlamentár 2007.

## NEGÓSIU TRANS-FRONTIERA NO DIÁLOGU KONA-BA KOMÉRSIU

Hori tinan 2004, Fundasaun Ázia hala'o servisu iha Oekusi hamutuk ho Fundação Fatu Sinai Oekusi (FFSO) no hamutuk ho Peace and Democracy Foundation (PDF) iha distritu Kovalima ba programa trans-fronteira ida hodi hamenus poténsial ba konflitu iha fronteira, hamenus suspeita no hametin konfiansa entre comunidade sira iha fronteira hosi Timor-Leste no Timór Indonézia.

Liuhoi servisu ho Indonézia nia grupu Kefa Repatriation Support Group (KRSG) atu fasilita



### TIMOR-LESTE

Fundasaun Ázia hala'o programasaun iha Timor-Leste hori tinan 1992 no hari eskritória ida iha ne'e iha tinan 2000.

Iha tinan 2005, Fundasaun Ázia tulun Gabinete Presidente nian atu halibur grupu arte marsial sira hodi hamenus probabilidade ba xoke entre sira nia membru ho governu ka polisia, no mós entre grupu arte marsial sira.

Semináriu sira ho Fundasaun nia tulun ba líder Timoroan sira hosi setór oinoin rezulta ba rekomendasaun ba líder governamental importante balu atu apoia reforma gover-nasaun nian hodi evita aumenta tensaun no violénsia iha periodu ne'ebé haleu eleisaun nasional 2007.

akordu kona-ba partisipasaun ema Timór Indonézia nian iha diálogu, FFSO no PDF halo kooperasaun ho atór hosi governu lokál, sociedade sivil, komersiante, lia-nain no líder relijiozu sira hodi organiza semináriu trans-fronteira kona-ba asuntu práttiku interese mutuu nian, ho énfaze ba merkadu, komérsiu, kartaun ba membru família sira atu hakat fronteira no dezvoltimentu rejionál. Série diálogu inisiál rezulta ba rekomendasaun ba autoridade governu nasional no lokál respetivu sira. Nu'udar rezultadu hosi diálogu trans-fronteira iha Oekusi, líder komersiante sira foti desizaun atu reúne ketaketak hodi tau atensaun ba asuntu importante ne'ebé relasiona ho aumentu ba oportunidade setór privadu nian entre Timor-Leste ho Timór Indonézia. Reunian sira ne'e hamosu mós atensaun boot liután hosi governu nasional rua atu implementa kartaun ida hodi fasilita vizita trans-fronteira kurtu-prazu nian.

Tinan ida ne'e, programa ne'e sei habelar ba distritu Bobonaru atu fó kobertura ba fronteira tomak entre Timor-Leste no rai-Indonézia. Iha faze daudaun programa trans-fronteira nian, FFSO servisu daudaun ho parseiru Indonéziu, Lembaga Advokasi Anti Kekerasan Masyarakat Sipil (LAKMAS) iha comunidade fronteira sira iha Distritu Oekusi no Timór Indonézia. PDF servisu daudaun ho Yayasan Bentara Sabda Timor (YBST) iha comunidade distritu Bobonaru no Kovalima sira ne'ebé tuur iha fronteira ho Timór Indonézia. Iha distritu Oekusi no Kovalima, FFSO no PDF servisu daudaun ho sidadaun no líder lokál sira atu implementa planu asaun kona-ba asuntu sira ne'ebé diskuti durante diálogu uluk nian no mós implementa rekomendasaun sira hodi haluan negósiu no interkámniu komersial. Iha Bobonaru, PDF konsentra ba identifikasaun asuntu prioritáriu sira no dezvoltolve rekomendasaun ba governu respetivu sira.

Fundasaun Ázia nia programa barak iha Timor-Leste hala'o ho tulun hosi Ajénsia ba Dezenvolvimentu Internasionál Estadus Unidus nian (USAID).

## GRUPO ARTE MARSIAL SIRA NO PREVENSAUN BA KONFLITU

Iha tinan 2005, Fundasaun Ázia tulun Gabinete Presidente nian atu halibur grupu arte marsial sira hodi hamenus probabilidade ba xoke entre sira nia membru ho governu ka polisia, no mós entre grupu arte marsial sira.

Nu'udar rezultadu hosi diálogu ida ne'e no programa mediasaun, líder hosi grupu arte marsial boot hotu-hotu — ne'ebé representa kuaze membru 40,000 — asina kódigu konduta no deklarasaun ida hodi halo kompromisu atu rezolve konfliktu ho maneira pasífika, atu estabelese mekanismu mediasaun ida hodi rezolve konfliktu, no atu hari organizaun 'umbrella' FOKAMTIL atu representa grupu arte marsial sira iha rai laran. Konsellu Nasionál Koordenasaun foun ida ne'e konsege halo mediasaun ho susesu ba konfliktu iha distritu tolu Dili, Likisa no Bobonaru. Liuhosi anúnsiu públiku iha tempu oportunu, FOKAMTIL efetivu tebetebes hodi evita grupu arte marsial sira nia partisipasaun iha violénsia fulan Abril no Maiu 2006.

Ho baze ba rezultadu hosi primeira faze inisiativa ida ne'e nian, Fundasaun apoia programa sira hodi hametin abilidade kona-ba mediasaun no lideransa ba membru FOKAMTIL sira iha nivel nasional iha Dili no iha distritu sira hodi ajuda hamenus probabilidade partisipasaun grupu no individuu nian iha violénsia. Ho baze ba lisaun sira ne'ebé aprende hosi primeira faze programa ne'e nian, Fundasaun apoia daudaun formasaun iha nivel nasional no distrital ho objetivu atu hametin abilidade importante kona-ba mediasaun no lideransa, hametin koordenasaun entre grupu arte marsial sira iha distritu ho FOKAMTIL, no aumenta kompreensaun no konformidade ba kódigu konduta hodi nun'e bele resolve konfliktu sira tuir dalan pasífiku laho violénsia.

*Fundasaun Ázia nu'udar organizaun privadu, la lukrativu, la governamental ne'ebé servisu hodi promove interese mutuu iha Estadus Unidus no rejiaun Ázia-Pasífiku.*

*Fundasaun betan finansamentu ho kontribuisan hosi individuu sira, no organizaun governamental sira iha EUA, Europa, Kanada no Ázia, ho mós hosi apropriaun anual ida hosi Kongresu Estadus Unidus nian. Liuhosi nia programa sira, Fundasaun harii lideransa, hadi'ak politika sira no hametin instituisaun sira hodi promove abertura boot liután no prosperidade ba hotu-hotu iha rejiaun Ázia-Pasífiku.*



**The Asia Foundation**

### HEADQUARTERS

465 California Street,  
9th Floor  
San Francisco, CA 94104 USA  
Tel: (415) 982-4640  
Fax: (415) 392-8863  
info@asiafound.org

### WASHINGTON, DC

1779 Massachusetts Ave., NW  
Suite 815  
Washington, D.C. 20036 USA  
Tel: (202) 588-9420  
Fax: (202) 588-9409  
info@asiafound-dc.org

### TIMOR-LESTE

Rua Jacinto Candido  
Audian, Dili  
Timor-Leste  
Tel: (670) 331-3457  
Fax: (670) 332-4245  
TAFTimorLeste@asiafound.org

[www.asiafoundation.org](http://www.asiafoundation.org)